



**SIARAN MEDIA
KEMENTERIAN KEWANGAN**

**HARGA RUNCIT DIESEL (SEMENANJUNG MALAYSIA), RON95 TANPA SUBSIDI
DAN RON97 DITURUNKAN BAGI TEMPOH 23 APRIL HINGGA 29 APRIL 2026**

Selaras dengan formula *Automatic Pricing Mechanism (APM)*, untuk minggu ini, harga runcit diesel di Semenanjung Malaysia dan harga runcit petrol RON95 dan RON97 diturunkan berikutan penurunan harga pasaran antarabangsa.

Penurunan harga minggu ini adalah berdasarkan formula APM yang mengambil kira purata harga minggu terdahulu. Walaupun terdapat pelarasan, harga petroleum kekal tinggi berbanding paras sebelum konflik.

Dengan konflik di Asia Barat yang berlarutan, Kerajaan akan terus memantau rapi perkembangan semasa dan mengambil langkah bagi memastikan keterjaminan bekalan bahan api, di samping melindungi rakyat serta sektor ekonomi daripada impak penuh gangguan rantaian bekalan.

Penetapan harga runcit petrol dan diesel bagi tempoh **23 April hingga 29 April 2026** adalah seperti berikut:

Harga Runcit

Bahan Api	Harga Runcit	Perubahan
RON97	RM4.85 seliter (harga 22 April 2026: RM5.10 seliter)	Turun 25 sen seliter
RON95	RM3.87 seliter (harga 22 April 2026: RM4.02 seliter)	Turun 15 sen seliter
Diesel (Semenanjung Malaysia)	RM5.12 seliter (harga 22 April 2026: RM5.97 seliter)	Turun 85 sen seliter

Manakala, Kerajaan masih mengekalkan **harga bersubsidi** secara bersasar kepada rakyat dan sektor tertentu seperti berikut:

Bahan Api	Harga Subsidi
RON95 (BUDI95)	RM1.99 seliter
Diesel (Sabah, Sarawak dan W.P. Labuan)	RM2.15 seliter
Sistem Kawalan Petrol Bersubsidi (SKPS)	RM2.05 seliter
Sistem Kawalan Diesel Bersubsidi (SKDS)	RM2.15 seliter

Walaupun harga minyak global menunjukkan tanda penyusutan, ketidakpastian pasaran tenaga masih berterusan dan pemulihan bekalan tidak berlaku serta-merta.

Gangguan kepada kemudahan pengeluaran di Asia Barat serta rangkaian logistik dan penghantaran global memerlukan masa untuk kembali stabil.

Sehubungan itu, Kerajaan MADANI akan terus mengambil pendekatan berhemah bagi melindungi rakyat daripada turun naik harga, di samping memastikan bekalan bahan api negara kekal mencukupi dan terjamin.

Dalam tempoh ini, rakyat diseru untuk terus menggunakan bahan api secara berhemah bagi membantu memperkukuh kestabilan bekalan negara.

Kementerian Kewangan

Putrajaya

22 April 2026